

王

笙

樓

詩

錄

玉笙樓詩錄卷二

海昌 沈壽榕 意文



咸豐乙卯

三溪口

屬南部縣

溪口路三叉溪頭水半斜  
開落自開落可憐山杏花

楊花二首

草滿迴汀綠正齊  
遊絲相逐任東西  
驚看白雪都成絮  
便入青雲尙憶泥  
客裏翻愁春夢短  
風前微

玉笙樓詩錄

卷二

十一

見畫簾低兒童忙煞眞閒事合付流鶯自在啼  
春衫重理試雲羅舊漬香痕賸幾多變幻畧存些  
子影纏絲猶唱叛兒歌當初花樣羞紅粉此後萍  
蹤問綠波莫上高樓輕點鬢開匳人正畫雙蛾

楊升菴先生祠

祠在新都縣桂湖

文采風流尙在茲湖光樹影碧參差盈庭議禮紛  
如訟故國登樓有所思芳草猶傳鸚鵡賦蠻花愁  
寄鷓鴣詞更憐誤引茅焦語海上羈魂人未知  
刑部員外郎邱經邦上疏末引茅焦語帝怒謫鎮海衛與先生皆永遠不赦

成都南行二百五十里始見山色是日宿

眉州

行二百里無寸山突兀見此青孱顏山靈對我欲  
招手翠螺濃疊雲如環錦江東下水聲急平原似  
掌連沙脊秋點霜林一抹紅浪拍飛帆半邊白官  
柳條條古驛前眉州城郭夕陽天數家鎧火催寒  
早不見青山見紫烟

三蘇祠

祠在眉  
州城內

一門福慧幾生修笑指神仙在上頭節義文章高

兩宋弟兄父子各千秋眼中人海誰名士足底岷  
峨此壯遊公不還鄉儂作客怕看新月照眉州

嘉定訪陳君廣敷卽以留別

名溥新城人

君來訪我我出遊我往尋君君已醉一城相隔兩  
人忙聚首如何失交臂昔逢渝州今嘉州去年春  
暮今年秋流光過眼似飛電乾坤杯酒同浮漚別  
來著書添幾多凌雲絕頂懷東坡東坡不作君將  
老高歌莫負青山好

登凌雲山

初心願作山澤癯黃笠青鞋天未許興來搖筆賦  
凌雲便不封侯亦豪舉漢嘉十月天將寒江流如  
鏡無波瀾記從小艇來時路獨立九峰高處看晴  
螺疊翠參差落蟠者龍蛇昂者鶴微香吹來松間  
花塔鈴自語風中鐸磨崖字滅誰雕鏤躡衣再上  
東坡樓斯文元氣同日月照人眉宇懸清秋天邊  
一線峩眉影雨後殘虹挂西嶺潮音洞口老猿啼  
灘勢平摩大佛頂我行閒於沙上鷗古今幾輩韓  
荊州挂帆東下獨回首何日重來載酒遊

又魚子

灘勢奇險  
屬犍爲縣

白沙高如山白浪大如屋江心白石錯如齒石上  
舟行車轉轂風鳴怒益驕船小低能伏落日下平  
洲倒影蕩寒綠長年告我灘最險過此多愁葬魚  
腹一篙直與老龍爭萬象搖光飛電速君不見隔  
岸燈光紅似粟老漁夜傍灘頭宿月下悽聲不可  
聞昨日沉舟今鬼哭

道出犍爲孫霽帆明府

濂

邀訪宋邵伯溫

公濟

小安樂窩遺蹟

何年始悟窮通理此地猶名安樂窩流水一渠環  
縣郭危樓十丈接烟蘿衣邊土憐征馬雨後秋  
光溼畫螺忽聽霜鐘消熱念又驚風葉下寒柯

雨泊江安縣

愁水復愁風生涯類轉蓬人行秋色裏夢斷雨聲  
中鴉陣橫烟黑漁燈近市紅離家消息苦不敢問  
來鴻

除夕涪州江岸

香送梅花雪意多高樓鐙火照長河誰家商婦誰



商女不管人愁只唱歌

咸豐丙辰丁巳

彭水縣

縣無城郭野無田盤屈江流似蟻旋民苦兵戈多  
事日春分寒暖乍晴天波中鯉躍紅雙尾刼後松  
枯綠半邊斷岸誰知舟泊處長繩斜繫柁樓偏  
而上灘多且險船柁偏側而底  
厚以長纜挽之名厚板船  
州

自治州至酉陽州屬之龔灘水勢奔突其名最險者曰羊角磧曰閻王灘曰東磯口

曰六角子驚濤怒飛亂石林立舟過之處  
相顧色變余乃偃卧低蓬酌酒自勞捉筆  
卽書記其實事不自知爲詩歌爲謠諺也  
共得四首

羊角風吹羊角積舟行灘上舟如立欲進不能退  
不能或生或死爭呼吸低蓬三尺人坐半一浪過  
頭衣盡溼自思只好擁衾眠風射枕邊流更急平  
時但誇夏屋居今朝竟學冬蟲蟄午行十里已曛  
黑遠樹烟生猿鳥泣君不見昨宵有客還涪州

謂張

藥農  
司馬

嘈嘈絃管鳴青樓黃金笑擲錦纏頭

羊角磧

灘胡以此名言者舌驚吐人云我亦云聞之心先

怖一舟歷萬山山盡舟無路百夫挽之前始見水

來處皇天豈不仁險自洪荒著石鋒如劍鋸已過

怯回顧須臾雲墨堆沙飛塞黃霧長年急搖手從

西向東渡我時嘿然愁滿腸斟我濁酒眠我牀便

不生爲上柱國且拌死作閻羅王

閻王灘

三月三九月九無事莫來東磯口

土人諺  
如此

行人戒

色休輕走我云此謠莫須有先生自許膽如斗片

語未終灘已吼目搖不識爲誰某長江大河神所  
宅風濤終護蛟龍藪何圖此磯絕徧小水勢奇橫  
山形醜舟行石上舟欲穿舟也焉能人力負一尺  
一寸相轉移忽抑忽揚隨簸蹂土人勸我且泊此  
夜來多盜須防守前村已殺人後肆爭屠狗信矣  
哉三月三九月九無事莫來東磯口

東磯口

山尖立一杙杙上牽一繩挽舟山腳過所見得未  
曾此時人在山此時舟在水旣折復又迴灘名六  
角子上灘蟻旋磨下灘弦發矢或徃與或來忽悲

而忽喜喜者且毋喜悲者何必悲逆風姑聽之順  
風當有時 六角子

孟獲廟

廟在龔灘對岸

龔灘浪急倒飛沙破廟鐘聲送晚鴉  
狼子與人爭狹路燕雛衝雨帶殘花  
縱擒兵法攻心少迴互山光對面斜  
尙有村農喧社酒迎神銅鼓唱嘔啞

馬伏波將軍祠

祠在秀山縣城

燒種溪蠻戰跡荒來瞻新息舊祠堂  
依然如畫好眉目能識中興眞帝王  
謗起明珠悲薏苡勳高銅

柱薄椒房當朝抗疏容歸骨也合千秋祀叔陽

送蔣雲亭總戎

玉龍

率蜀軍援鎮遠

虹旗犀甲耀精銳送汝移師向潯陽戰後松桃應

置戍

時松桃廳初復

春來楊柳莫思鄉重圍音斷難飛鳥

自守謀深苦畫疆

鎮遠府被圍久乞援於蜀未將之應也至是奉特旨乃往將

略已嫻民望亟捷書何日報

天閫

早起

早起聞畫眉夜眠聞子規從軍樂不樂征夫歸不

歸

凱旋有日秀山李萍舟明府

鴻漸

招同諸

將泛舟鴛鴦背登寺樓飲餞卽事三十韻  
刁斗聲初息危城幸解嚴閒行殊得得自喜亦沾  
沾折簡歡相約攜樽遠不嫌驕驄徐攬轡晴鵲乍  
鳴檐隊列移紅旆烟開展翠匳輕舟浮曲港薄露  
灑餘炎野水三篙接叢篁萬個添波紋翻花尾雲  
氣蹙山尖登岸尋幽刹投壺報午籤眉邊飛鳥過  
手底落花拈禪榻閒留客爐香靜隔簾論兵猶示

掌說劍共掀髯憶昔全軍出難圖醜類殲防營驚

石破

先是邑梅營被陷賊撲秀山縣城

老將握珠鈴

謂蔣雲亭總戎

雪色

明疑晝

去冬官軍雪夜進攻

刀光利試鉅傾巢真絕徑貪餌

倍無厭勢亂焚難理詢謀眾亦僉負隅仍虎踞

賊首

鄔黑虎踞酉陽州菜園圃未平

漏網或魚潛火烈民猶畏機沉賊

盡覘陣雲濃似壓時雨潤同霑大敵攻先拔清操

吏最廉

萍舟力籌善後

流離收骨肉耕鑿問閭閻所向音

俱捷茲遊俗已砭晝工宗北苑

座客陳君郁亭善畫

夕照暗

西崦領畧江山助栖遲歲月淹偏師仍借蜀

時川軍分



援鎮秀山近小縣近名黔江縣苔跡迷雙屐村沽認一

帘蠻歌隨鼓角漁唱出汀蒹農事銷金甲歸期望  
玉蟾從今資重鎮文武在能兼

溪口題壁屬秀山縣

雲淨風低倦鳥還愁中酒薄強酡顏杉皮蓋屋苔

鋪綠石乳流砂水帶殷地產丹砂地險兵連黔楚蜀山

荒人雜漢苗蠻百年將相空陳跡孫文靖公督師征苗駐兵於此

賸得漁舟一箇閒

雨夜三首

自秀山軍中歸寓成都

一雨兼兩旬蛙黷塞我戶客子怕秋來愁絲牽縷  
縷去年入錦城駢征犯炎暑從戎至秀山微軀寄  
豺虎得歸願少休萬慮中無主人多問兵事瑣屑  
難盡語寶劍不長鳴悲吟又何補肥馬笑還家誰  
如洛陽賈

對酒便思飲飲多復作惡口腹足累人無論味厚  
薄阿弟勸少節云此乃糟粕強辭飾其非胸中有  
邱壑狂來盡一石廉取只三爵何如飲水心貪泉  
亦可酌

我狂人所憎我貧人亦賀四壁有琴書八日常飢  
餓默思造物心用才先頓挫不如姑聽之銜杯吟  
楚些吟餘燭影寒隱几足酣卧夜半一聲雷剝然  
驚夢破

重九日樂彥亭將軍

斌

招飲看菊卽席賦

呈

材官到門持寸簡輕颺颯爽開塵眼將軍欲以菊  
勝人今日重陽傳酒殘花花葉葉張屏風高高下  
下環其中傾城傾國一再顧銀房金翦何玲瓏清

涼有味清尊煖淡抹秋容春不管兩行斜挂紫羅  
囊五色雲霞互深淺將軍命我爲畫圖長箋短幅  
交紛如銅荷照影筆成帚忽翻墨汁污衣裾醉中  
狂語公應恕晚節端凝曲江度禮數能寬許再來  
庭前鶴守梅花樹

軍解梅  
花極盛

趙家渡

屬金  
堂縣

前村迴夕照橘柚間青黃水淺蘆飛雪秋深花拒  
霜人呼雙槳艇石補半邊牆明日看山去雲開萬  
笏蒼

新都道上觀漢王穉子石闕

姦猾罔畏法民氣紛益驕市恩忘律令吏治流於  
澆卓哉王穉子厥初官功曹佐郡政平理割斷甯  
避豪所歷盡情僞考言明其妖行旅可露宿絃歌  
傳風謠斯人已長往二千年云遙道旁遺片石市  
兒空磨刀俗工拓殘字庸手爭摹描物以賢者重  
詎用書名標我將告縣令撫字毋辭勞去住懷舊  
德俎豆應不祧此意殊寂寥爭名皆於朝高車與  
駟馬但問昇仙橋

其地距昇仙橋二十里  
卽司馬相如題柱處

彌牟鎮觀武侯入陣遺蹟

縱橫雜奇正怪石列平原賢者不可測兵家難與

言當頭餘古法

石壘百餘處即當頭陣也

歸骨弔殘魂

道左多瘞官軍

之戰歿者

買醉問前路碧桃花滿村

寶光寺

新都縣郭

新都城北寺寺近野人家流水到門直晚風吹帽

斜僧敲雲外磬客試雨前茶便擬安禪悅吾生未

有涯

馬威侯

趙

墓

新都郊外

高原回首縣城低二月春寒綠未齊我醉全忘成  
敗事途人還說馬平西

家翰友明府

芝琳

自關中至出詩稿屬題

河流東下華西來閱歷江山見此才無定烽烟誰  
畫策等閒花月罷銜杯逢人白眼知多少好夢黃  
粱熟幾回惆悵一篇懷舊賦風前聞笛不勝哀

謂白

小裴  
孝廉

永甯縣

渡頭繫舟人未歸遠山晴樹寒依微縣城欲閉寺

鐘起一雙白鳥衝烟飛

自雪山關歷峻阪而下渡赤水河入黔界

雪山關赤水河

皆屬永甯縣

黔蜀西南險年光道路催江橫一水斷雲破萬山  
來飛鳥行邊盡野花閒處開巉巖詩筆瘦和雨剔  
蒼苔

### 威甯州

自古羈縻斗大州邊聲鼓角正防秋一官悉索租

何出萬骨枯寒鬼尙愁

明天啟二年西夷之變官民三十姓避亂山洞夷人



以火薰死康熙二十八年守備羅金睿拾遺骸瘞之名萬人墳在州屬之野馬川汲水有

碑防飲蠱水有毒者登山無路試騎牛山路險峻以牛代馬

前軍又報巖門戰落日殘旌慘戍樓時威甯鎮兵新歿於黃平

州巖門之戰

陪吳仲昀師遊湧珠寺池上時隨戎幕過此

老衲晝眠呼不起籬邊有客來敲門驕驄緩步碧

莎徑野鳥亂啼黃竹根落日牛山抹秋色明珠百

斛搖波痕龕鐙寂寞佛無語石壁尋詩還獨捫

附 秋日遊湧珠寺池上同沈意文作

吳振棫

寒花寂歷映苔斑  
湧現珠光一鏡間  
萬事如斯泡影幻  
片時聊共水雲閒  
蠻村劫火餘孤寺  
落日秋聲下四山  
獨倚長松搔白首  
羨他倦鳥已知還

可渡河歌

屬宣威州是爲滇黔分界處

可渡不可渡  
故鄉杳何處  
雨雨又風風  
朝朝還暮暮

炎松驛題壁六首

屬霑益州

峰勢削如鐮炎方草盡芟

地赤無草

日中半風雨雲裏

萬松杉羣盜牛毛密微軀虎口饒流民嗟露宿□

音洞鑿空嵌

戰骨幾人收寒郊滿目愁千錢求勺米一木架危

樓殺戮爲耕作昏姻忽冠讎漫山驚賊壘彌望白

盈頭

同匪以白布帕首曰白套頭

比戶盡垂橐蕪田稗不薈牛羊同寢處水火雜腥

臊疾馬銜枚走飢狼卧塚噪兩州官廨廢銅臭喋

民膏

宣威霑益兩州銅廨皆廢

雨過烟光紫嚴冬尙鬱蒸腰金軍吏飽手及婦兒  
能野鳥爭人肉荒墟閃鬼燈養癰誰禍始輿論恐  
無憑

大澤類萑苻輕裝動覬覦鄉兵騰似鷺村女醜同  
嫖道梗書無雁營空幕有烏夢回寒不穩枕上月  
痕鋪

競議鋤非種皇天獨厚慈從來關教養此輩但羈  
縻抵突緣侵盜驕凶戒隕師何人不龜手將藥補  
傷痍

咸豐戊午

曲陽春感呈仲酌尙書師

時駐軍  
曲靖府

羣山如掌抱孤城  
斥堠煙銷罷戍兵  
破屋幾家聞鬼哭  
荒田三載誤春耕  
受降轉恐狼心野  
愛土終憐馬骨輕  
時務怕談狂態減  
客來休問棄繻生

迢遙鄉夢隔關河  
載筆輕裝又枕戈  
荊棘盤根當

路滿桃梅交樹著  
花多

滇中氣暖  
桃梅並開

春寒未化去年

雪風起如掀平地  
波不見紅鐙聞畫  
角夕陽影裏

唱夷歌

棋局誰爭一著先  
穴中羣蟻慕羊羶  
何時錯鑄六州鐵  
無計空搜九府錢  
時以瀘州京銅鑄錢充餉  
如我風塵殊草草  
斯民水火已年年  
閨人不作封侯夢  
底事垂楊綠可憐

不才落寞感憐才  
一笑三千里外來  
草檄近依新

幕府棠陰猶見舊樓臺

公先任滇撫

誰持玉斧分疆域

空歎銅山付劫灰

三迤銅局皆燬於賊

欲洗繁愁澆濁酒蠻

花紅處瘴雲開

附 曲陽春感次沈意文韻 吳振棫

少壯消磨付管城無端衰齒忽談兵已  
拚拙被時人笑早合歸從野老耕烽羽  
影沉金馬遠江湖夢寄白鷗輕愁心不  
作階前草直待春來始漸生

願呼壯士挽天河何日千村罷荷戈世  
事紛紜蠻觸鬪邊山荒遠虎狼多昆明  
劫火灰餘跡洱海風狂水易波自古花  
門留禍本寸心愁絕杜陵歌

最美屠蘇酌後先春盤聚飲雜腥羶豈

知遠道攜家客仍闕諸孫押歲錢

去年四月

兒子率諸孫自浙至蜀而余以八月由蜀入滇離別十餘年迄未得同拈歲酒也

鐵甕捷書傳絕徼

時方得鎮江收復捷音

布帆

歸計決明年只今病骨支離甚無地酬

恩默自憐

草檄飛書幕府才揮鞭同踏瘴雲來抗

聲白雪今誰偶買骨黃金古有臺奇氣

乍驚刀出匣深談易遣燭成灰短衣萬

里龍鍾叟愁裏雙眉仗爾開



客有言廣南府土風者戲成竹枝六首

曉來瘴氣滿林昏  
午睡家家靜閉門  
明月一鉤鐙萬點  
遊人呼隊出江村

城外春風飛落花  
江邊艇子賣魚蝦  
莫愁相見不相識  
郎自無家妾有家

三月多晴街子忙

自三月三日至四月四日男  
女治遊俗云趕風流街子

四

月多雨梅子黃  
桃花飯熟莫大飽

男女相悅以膳  
脂染飯相餉曰

桃花飯

臨行纖手贈檳榔

水有風濤陸有山  
問郎行路何時還  
郎今若向騰

越去爲買翡翠雙連環

底事思家卻便回  
淚珠添入掌中杯  
出門暗嫁金蠶蠱  
料得明年行復來

惱殺春淒夢不長  
墳頭澆酒斷人腸  
東風依舊綠芳草  
日暮烏鴉啼白楊

關索嶺諸葛忠武祠三首

屬嵩明州

丞相天威在孤忠  
日月懸我來一萬里  
公去二千年  
鼙鼓思飛將  
藩籬重守邊  
南人應不反  
談笑靖烽烟

名傳關索嶺折戟未沉銷社酒諸蠻醉殘碑野火  
燒嵩明分海汊

嶺下卽嵩明海

回紇尙天驕八月邊聲起

風前木葉凋

孤廟萬峰頂橫空蒼翠來戍樓鳴斷角寒日下荒  
臺今古半陳迹河山幾霸才老僧忘世事笑指野  
棠開

張石卿中丞

亮基

命賦阮文達所題天台

應眞圖石屏二十四韻

點蒼蒼蒼十九峰峰峰秀色金芙蓉自然石作自

然畫標題品列推雲翁

文達晚年自號

翁持節鉞鎮六詔

百蠻起舞歌年豐精心選石如選佛

文達於節署構選石亭

慧眼獨具非塵矐太華山勢撐穹窿太華寺古遺

屏風無筆墨痕寫大意有羅漢像敬長松天台賦

語妙相合應真飛錫淩虛空

石有羅漢像文達取天台賦中應真飛錫

而躡虛語題曰天台應真

圖舊藏太華山太華寺中禪僧對石如對佛云與

七寶莊嚴同再平寇亂來張公

時省園初解公履巡撫在先將

石友移座中似得奇文共欣賞何須雕鑿穿玲瓏

宜左宜右或淡或濃是耶非耶人工鬼工幻層樓

若蜃氣散霞綺爲長虹靈仙一呼便欲出補天五色知誰功見石卽見佛公言跡相皆神通笑指圓光頂上現隱約高高下下樹影堆重重拜石不拜佛我來稱丈師南宮是物久經浩劫未消滅顛顛倒倒埋沒尤熊熊亂後此石轉徙無定瘞之土中昇至撫署光質如玉公喜索我詩我詩才不雄放辭亦足快數典今何從方知唐宋以前極荒遠其時大理歸段蒙但求榆葉收淨土時大理爲賊踞好尋完璞施磨礪吁嗟乎班龍紫鳳行恩恩安能老去還兒童閉門飽喫胡麻飯劉

阮溪邊一笑逢

庭梅盛開仲昀師命賦

不知春信來何處暗香先到梅花樹縱橫冷蕊與  
疎枝根觸鄉愁兼歲暮今年大雪未飛雪朔風吹  
出千林白朝朝晴昊照繁英恰似尋常剛二月眼  
中戰壘橫郊野夜半燐光如點赭都云功業上麒麟  
安得天河洗兵馬吳公持節宣

廷詔羽書埽葉傳邊徼廣平作賦最高寒王粲從  
軍但吟嘯宜園臺榭足幽敞

園在督署

底事荒殘餘宿

莽闌千秋老笛聲遙玲瓏石破苔痕長公家久居  
西子湖面面丹青如畫圖東行宦轍窮海岱神仙  
卻怨孤山孤文翁剖符思舊治工部草堂留勝地  
元戎駐馬昔曾遊人日題詩更誰寄昆明池外黑  
龍潭聞有唐梅株兩三黑龍潭有唐梅彈指滄桑悲劫火  
斷腸消息憶江南閒庭索笑偏無語我竟忘歸奈  
何許願隨杖履訪烟霞先列門牆伴桃李公已疏請解組

昆明春望四首

春風送客客無家當道爭磨猛虎牙來去可如梁

上燕官私誰問井中蛙參軍得句通蠻語野鬼呼

鐙泣塞笳聞說昆池倒流水欲翻星漢便乘槎

涓滴脂膏悉索來荒田不種待鳴雷

山田待雷始耕漢人謂之

雷鳴田

暝弓鬱又傳方物翠羽明璣付劫灰黑水潭

深龍蛻骨紅山茶放鶴生胎南征故事無人問葛

相而還又李恢

帝恩久矣被炎荒獠狻羣驚瘼狗狂

漢回夷獠尋仇殺掠通省

驛齒革羽毛原入貢

雲南例貢象牙等物

衣冠文武共尊王

何人誤國開邊釁獨客登樓憶故鄉眼底漫漫花



似海可憐有色竟無香

楊柳征袍一色青夕陽紅上海心亭

亭在翠海之中

波搖

似見樓臺晃風過猶聞草木腥餽客檳榔如進酒

驕人孔雀自開屏

滇產孔雀見人彩服即舒其尾曰開屏

殊方景物

堪愁劇鏡裏朝看幾點星

晉建甯太守爨寶子碑

碑在南甯縣武侯祠內

邊城過雨迷青蕪老兵吹角危樓孤吳儂重訪諸

葛廟晉碑屹立巖牆隅字形八分雜奇醜振威將

軍官郡守太亨乙巳題舊名

按晉安帝元興元年壬寅改元太亨次年

仍稱元興二年乙巳改義熙碑稱太亨四年乙巳殆西爨遠在蠻荒不知太亨年號未行仍襲其舊耳

表墓南荒今未朽當初棄置揚旗田

距曲靖府城七十里

烟橫日落牛羊眠宋人通考尙無據

宋馬端臨文獻通考西爨

注云晉有本郡太守者不知其爨寶子也

出土始自乾隆年殘文詰屈

難記誦片紙椎樨足珍重駭浪遙連白石江遺黎

多育烏蠻種曲州靖州皆故疆東爨西爨紛爭攘

地滋蔓草圖不易血染野花開戰場我來踪跡同

飛絮春華可惜堂堂去曾聞漢碣紀光和

漢李膺碑光

四年石刻今亡 千山萬壑尋何處

宿法郎田家

屬羅平州

雲外晚嵐紫昏鴉勢爭赴數家亦在野百折似無  
路蠻鄉風尚古見客勸留住小兒爲執炊老婦治  
茶具自云地僻陋何幸高軒駐尤喜賊未屠比戶  
足錢布鋪牀請少息聞聲休恐怖前山有虎穴此  
卽往來處我時半疑信乍眠旋驚寤荒林啼怪禽  
野火明遠戍鐙碧花欲墮窗白天將曙瘦奴呼不  
起殘月挂庭樹

宿江底汎普照寺呈仲酌師二首

汎屬興義縣

知公歸計決今年

戊午師賜和春興詩有布帆歸計決明年之句

消息先

憑驛使傳

是日作杭州書

新綠燒痕微雨後亂紅花陣晚

風前閒房短榻僧留客古戍危旌路接天欲問去

來彈指事寒鐘催夢一鐙然

巨石橫江作怒聲荒寒斥堠尙無驚春濃地幸銷

烽火客久人多識姓名暗數山郵遲十日

由興義取道至

畢節縣多千里

同聽鄉語話三更良朋鄭重臨歧別卻把

登仙羨此行

昆明臨發時李太守鴻疇相送道左曰班生此行何異登仙

附宿江底汎普照寺次沈意文韻二首

吳振棫

東歸聊欲佚餘年  
鼓吹猶聞隔嶺傳  
未遣烽烟消部內  
翻勞父老拜車前  
山開阡陌無餘地  
江劃寒溫各一天  
過江底汎入黔界天氣甚寒與滇迥異  
朋輩琴樽應念我  
南雲回首意茫然

衣邊雲影與溪聲  
野鳥忘機自不驚  
山冷花遲如待客  
寺荒碑斷不知名  
偶傳短句人爭寫  
晤前興義令陳君鑒云余前年與沈意文唱和曲陽

春感詩黔中士大夫  
和者已數十家矣  
細數遊踪僕屢更

此路崎嶇君莫悵詩家從古未經行

雨宿安南縣呈仲昀師

縣若無人境濃雲壓石巔雷聲千丈瀑雨氣一城  
烟酒殘寒逾醒鐙花斷復連春風與楊柳送客已  
年年

附 雨宿安南縣步沈意文韻

吳振棫

安南彈丸地城踞萬山巔山外收殘雨

城中生暮烟圍爐猶噤瘁

是日風雨寒如嚴冬覓

句偶流連何日行滕解塵勞嗟暮年

安姑題壁

窮山無客過驚喜足音覓獨木橋孤影空心樹半

腔畚田栽火米蘆管踔歌椿

苗人吹蘆笙男女相和以歌曰踔歌椿

不信東風到飛來燕子雙

永甯州道上雪

昨度盤江鐵鑲橫

盤江距州城四十里鐵鑲橋長二十八丈

遙村如畫

夕陽晴晚來林木作風勢曉起雪花連雨聲無定

客衣隨冷暖乍回春夢不分明幾家婦子柴門哭

苦道年荒尙用兵

時官軍攻石頭寨叛苗未下

白水河觀瀑

屬永甯州

文良持節題詩處

高文良公其倬有白水河觀瀑詩

二百年餘跡

尙存直挂長虹飛白練亂聞啼鳥近黃昏淒迷草

樹春風凍破碎峰巒野戍屯兵後更愁行路斷

黃果

樹驛路爲賊所梗

碧蕪猶帶劫灰痕

紅巖山石刻歌

並序

山在貴州安順府永甯州五十里摩崖古刻



凡三十餘字非篆非隸不可辨識拓者懸繩  
疊架攀援而登相傳爲高宗伐鬼方時刻其  
下有諸葛武侯營壘遺址土人又呼爲諸葛  
碑云

早行永甯道遙望紅巖山馬前一指突高數千丈  
上有摩崖三十餘字猶斑斕詭奇都不識圀圖那  
堪讀得非倉史以前皇古初混沌未開天最俗邈  
迤逢左君永甯州牧左杏田以拓本見貽持贈觀全文去年懸梯  
而摹眞險絕諸家附會其說徒紛紜或曰高宗伐

鬼方特表功烈垂遐荒又云武侯諭蠻徼至今壘

石眠牛羊我從南征尋舊刻廢塚叢祠土花蝕可

惜磨刀半截碑難分透紙一團墨

唐閣羅鳳碑在大理府城外亂

後斷殘半截人呼爲磨刀石

爨家兩碣盤龍虬

劉宋時爨龍顏碑在陸涼州晉

爨寶碑在曲靖府城內

遠來索者珍琳瑯後生臨池等兒戲

專工畫角兼描頭洗去皮毛取精義老境尤難通

會際溯追三代銘鼎鐘旁考六書詳篆隸吁嗟乎

紅巖山誰能移紅巖字殊可疑必欲強作解人太

多事何妨姑妄言之姑聽之攜藏拓本世罕有問

答器煩詩當口類物象形森怪醜仰如孟俯如乍  
銳如戈大如斗

鎮甯州早發

客起燒殘燭騾綱語鐸鈴雲邊浮遠塔驛外賸荒  
亭歲歉民多盜春寒草未青故人爲政處下馬讀

碑銘

亡友嚴珊漁前牧  
是州去思碑在焉

清鎮嚴叔和明府

謹

雨中過談卻贈

君家兄弟最知名

謂乃兄伯雅司  
馬繼生主政

把臂新交似舊

盟雨裏春隨流水去鳥邊人踏亂山行詩如諫果

味先苦骨比梅花寒更清門外幸無車馬跡宰官  
相對兩書生

二月望日次大定府寄內

刀環消息我何遲屢卜金錢汝太癡行路竟來天  
盡處思家無奈月圓時山中花少春陰久病裏顏  
凋鏡影知約計相逢寒食後柳條分綠畫雙眉

濟王

火祠濟火漢黑盧鹿水西安氏遠祖也從武侯有征南功黔中祀之

迷茫碑篆繡苔窠駐馬斜陽草一坡討賊昔從丞  
相亮稱臣應比老夫佗漢廷優禮銀鳩杖村社迎

神銅鼓歌欲藉聲靈銷戰伐歡吟朱鷺下群柯

明宣慰使奢香墓

在大定府屬  
文龍山下

臣夫霸翠死臣爲宣慰使都督辱臣臣所恥萬里  
京師愬天子天子詔入宮啼痕雙頰紅我能執此  
法汝能成何功斯時聞命拜且舞臣願撫戢諸羅  
列編戶並獻龍場九驛歸版土臣有水西兵四十  
凡八部守險固吾圍用揚天子武天子喜曰都汝  
雖巾幗眞丈夫賜名順德加恩殊洪武時賜號  
順德夫人試  
看穹碑題墓廬道傍過者長嗟吁君不見副使有

劉氏女官名贖珠恢張雄畧安邊隅婦人之功今  
也無又不見請興文教延通儒後有奢阿聶妻名  
奢蘇

畢節喜晴

一月愁風雨春光不放晴殘碑留虎跡

道旁有吳公殺虎碑

古木斷禽聲織錦花苗女吹箏老戍兵客中閒倦

眠虹彩落山城

雨宿八折坪

屬畢節縣

九十春光方過半四千里路尙中途荒雞催曉引

玉笙樓詩錄

卷二

三

聲遠怪雨挾風飛點麤歸市村翁數錢米同槽羸  
馬爭豆芻捫胸萬言向誰語雙眼開時腸轆轤是夜  
羣籟紛囂達旦不寐

晚渡赤水河

一江分蜀道諸嶺散晴暉宿麥初抽綠寒桃淺著  
緋長征憐倦鳥久客試春衣明日關山路雪山還關  
愁雨雪霏

道上聞畫眉聲

春山如畫眉忽聽畫眉鳥何如白頭翁雙雙相對

老

清明日資州道中

清明逢上已佳節客中過野水圍金帶

橋名

離人送

玉珂官如春睡嬾愁比落花多漸近君平市升沉  
莫問他

王褒故里

在今資陽縣

一篇聖主賢臣頌西蜀文章壓漢京窮巷幾竿青  
竹子風前猶似洞簫聲

當時風教不曾開聞說王郎愛俊才奉使莫愁天



萬里阿儂親祀碧雞來余時自滇還蜀過此

折柳橋口占簡州城外

城西折柳橋橋邊無一樹風起亂紅飛何處留春住

去冬在滇聞李介人之訃今夏返閩中知已歸葬塹江補哭以詩四首

標格烟霄鶴立羣著書風雨冷秋芸文章不朽何曾死憂患方多況哭君只望精魂通夢寐初疑遠道誤傳聞思將遺像平原繡朝夕名香手自薰

明知多福是容容交淡迴思淚更濃家事細商逾  
骨肉詩才奇出蕩心胸自傷元鬢中年改獨守青  
氍毹興慵尙有九原遺憾在倚閭白髮已龍鍾

親均  
在堂

素車我悵未臨喪聞說靈輻返故鄉挂劍誰爲吳

季子題碑應待蔡中郎酒澆壘塊偏成病

君豪飲  
病痞

識作神仙語太狂

平日自  
言如此

嘔血一編書墨醉

所著  
詩文

日墨  
醉軒

孤兒珍重莫遺忘

青蛉白水賦從戎再話巴山願竟空自料生還眞

意外記曾飛札問軍中當時小別言猶在獨夜悲  
歌曲未終儻使吟魂能和我燒殘燭淚尙垂紅

田漱芳觀察

潤

以其長女王氏節孝事徵

詩

膏不厭鮮水不厭清玉不厭潔蘭不厭馨四語聞  
之女史箴聽我一歌節婦吟節婦亡所天誓以此  
身死王氏有重闡其誰奉甘旨盡我孝完我節一  
寸心千鈞鐵此時豈博節孝名此時豈望

朝廷旌

國有盛與勵陰教丹青綽楔何崢嶸吁嗟乎我之  
仲姊歸於桐鄉錢格胞姊歸桐鄉錢君鵠儀半載而寡璿亡無子苦  
節二十年揚州城破竟以微軀全揚州城陷墜城不死人云  
鬼神呵護皇天憐至今坊表猶闕然我詩未終橫  
涕漣

趙冰如見過卻贈二首

閨中有布衣瘦削形如鶴閉門無熱客秋花媚幽  
獨十年未一見新詩人共說昔日王藕船與君交  
最篤今來隔巷居小徑苔痕綠共聽風雨聲分種

幾竿竹露重生夕涼訪我期不速汲井煎苦茶聊  
復論心曲

論心師古人古人惜長往旣讀古人書應代古人  
想時賢耽豪吟風騷足攀仰涉海問津涯相去仍  
天壤不如信自然活潑機能養但使意寬閒安用  
名標榜吾少露英采詞鋒健精爽近已學鈍根力  
微防勉強君苦守岑寂石磬發清響激之奮雄奇  
亦復伸慨慷變相倏萬千權衡析銖兩何由蕩此  
胷且請示諸掌

檢書作示內

入門一笑吾何有破簾收書如敝帚奚童詫似牛  
腰肥繞榻俄驚蠹魚走當時從軍萬里行骨肉生  
離三年久還家恰趁夏方長下帷便作蠹螟叟重  
摩芸葉霏淡香徐引清風掃塵垢鐵目分排甲與  
乙披吟不厭卯至酉相因未敢去陳陳大略蠹能  
知某某便爲脉望化神仙尙論古人求益友我婦  
掀簾但搖手視此區區堪覆瓿厨中早罄典衣錢  
且去應官乞升斗卿言固佳終否否袞袞諸公誰

不朽寶藏世有沈立初警校常師韋處厚本不願  
龍泉劍在腰亦不望黃金印懸肘流急先存勇退  
心身閒合伴漁樵偶平居讀我書良宵謀汝酒再  
尋湖上買青山獨抱殘編同白首

家質夫孝廉招集東郊古寺

名彬聞中人

蝦菜似吾鄉初歸較客忙土音兒輩熟酒態故人  
狂市遠炊烟細雲高樹影涼重來問何日僧指木  
樨香

南江道中柏

當頭見樹不見山山山老柏撐雲間回頭見山不見樹樹樹連雲作烟霧心空如屋中可巢折枝臥地橫長橋月輪倒影亂塗墨無風夜半聽江潮噫吁噉此聲胡爲乎來哉應是而今梁棟材大材難用古人笑杜甫題詩孔明廟

南部道上

綠陰幾竿竹白茅三間屋牧童晚不歸老婦叱黃犢

大橋題壁

屬南部縣



雨過前溪水曲斜重來舊路尙疑差高樓一角聞  
人語記得橋頭賣酒家

中江縣

百里中江縣孤城罨畫間溪聲迴水鋪地名雲影半

邊山地名野店稀生客愁吟損壯顏長空風力斗高

鳥可知還

雙石田家二首

中江縣屬

新篁鼓晚陰炎景清如秋門前白菡萏水淨陂塘  
幽官道實康莊僻徑疑蟠螭老農坐松下牧兒來

飯牛見我具歡言夕矣胡不留有酒客且飲荒率  
無勸酬主意良殷勤僕云姑早休解鞍就此宿素  
月明一鉤

月出四山暝烟鬱萬樹蒙歸鴉投遠林馬櫪依牛  
宮咄嗟具雞黍得飽知年豐入室欹短榻我我周  
旋中甕牖窺半鏡瓦檠光粟紅薄被驚微涼起視  
猶朦朧天明鞭指東再謝主人翁翁問何時來臘  
盡回春風

烽火二首

烽火指戎州

時滇匪圍叙州府城

孤城雀鼠愁共圖完壁計

誰用徙薪謀十萬橫磨劍兩三飛渡舟贊皇應再  
起搔首驛邊樓

萬籟警商飈嚴更出麗譙澗深奔渴馬葉落亂鳴

梟兵氣連江暗鄉愁入夢遙素旌歸戰骨長恨失

嫖姚

時署總兵馬君天貴戰歿於弔黃樓

守嘉定城贈文治菴太守

良

朔風獵獵動旌竿山勢淩雲作畫看城上角聲樓

上月與君同耐五更寒

善政頻年賣劍風無端袴褶竟從戎君家故事麟

麟閣父老猶能說相公

太守爲勒威勤保之孫

寄嘿慙僧

時卓錫於峩眉山之伏虎寺

老松化老猿欹澗狀如睡枯僵訝半死隱然抱生意嘿公貌相若勞形極疲悴內葆神獨完百怪心無悸學佛佛未知已得佛之秘其來自先天豈復關人事僧詩饒古音脫稿便焚棄顧我皮骨癡割斷殊不易我眉高入雲快雨洗蒼翠更欲從師遊鐘鳴伏虎寺

秋林驛

屬三台縣

殘星迎曙光老鴉呼客起馬踏亂山中山裏飛雲裏

過渡船背戲作櫂歌

屬鹽亭縣

早來日出晚來陰山不多高水不深  
妾向西行郎向北一條江水兩條心  
小小一箇鹽亭城城邊一箇渡船橫  
渡來渡去幾時了渡到明年春水生

文與可先生祠

鹽亭縣郭

宋時巴蜀盛名士蘇子瞻與文湖州其他亦難更  
僕數此地曾經來去遊欲翦鷺溪一丈絹寫成青  
竹千竿秋土中掘得與可硯得硯者誰人姓劉道  
初土人耕得石硯一方後鏤與可二字爲茂才劉君安所得余親見之

解佩刀挂壁上內子藏之口占一絕

寶刀三尺光如雪恐有殺人心未降願化此刀作  
明鏡照郎照妾總成雙

玉笙樓詩錄卷二終